

# HERCULIS CORAZZI

Ordinis Sancti BENEDICTI

CONGREGATIONIS OLIVETANAE,

ET

Publici Algebrae, ac Analyseos Professoris

## ORATIO

*BONONIAE HABITA*

Tertio idus Martias

ANNO MDCCXIV

AD NOVUM SCIENTIARUM,

ET ARTIUM INSTITUTUM

INAUGURANDUM

*SUB AUSPICIIIS*

SANCTISSIMI D N.

# CLEMENTIS

# PAPAE XI.





SANCTISSIMO PATRI  
**CLEMENTI XI.**  
PONTIFICI MAXIMO

HERCULES CORAZZI

F.



Ivino quidem consilio factum est, ut quo tempore tota Europa crudelissimis bellis affli-

A 2

cta

eta a mitioribus studiis avocatur, is  
potissimum in Urbe ceterarum prin-  
cipe imperaret, qui unus posset, &  
vellet pristino loco litteras retinere.  
Intelligis, opinor, Beatissime Pater,  
non alium designari a nobis nisi te,  
cui accepta in magno armorum stre-  
pitu honestissima haec ornamenta  
pacis referamus. En tibi non nostra  
quidem, sed tua; & fane duplici  
nomine, tum quia nata hoc solo,  
tum quia nihil usquam est hoc tem-  
pore litterarum, quod tanti auspicio  
Maecenatis non indigeat. Illi enim  
ipsi, qui sive suo, sive majorum,  
suorum errore a mente deducti no-  
lunt esse, cui tamquam summo Re-  
ligionis Moderatori pareant, in re-  
tamen litteraria, vel te sibi Princi-  
pem, vel Principes tui similes, non  
tacitis plane votis exoptant. Quo  
igi-

igitur animo nos esse oportet, qui  
in tua fide, ac tutela sumus, &  
quod Catholici, & quod Bononien-  
ses, & quod artibus liberalissimis  
occupati? Eo prorsus quo me vides  
B. P. sanctissimis pedibus ceterorum  
nomine provolutum, quidquid est  
in nobis industriae, quidquid laboris,  
quidquid etiam ingenii (siquid est)  
totam denique patriam pro beneficiis  
in nos ingentibus tibi dicantem.  
Hinc nos tamdiu erimus de  
tua felicitate solliciti, quamdiu de  
nostra: nec profecto videbimur ex  
communi facere consuetudine, sed  
ex animo, cum publica vota pro  
tua incolumitate suscipiemus. Excipe,  
B. P., ac proba devotas tibi  
tuorum voluntates, qui numquam  
rogandus es, ut benigne facias: Et  
perge in dies magis mortales tibi

multos benefaciendo devincire , qui  
inibi es , ubi omnium maxime &  
benefacere possis , & debeas .

**Bononiae XI. Kal. Maias 1714.**

## Ad Lectorem.

**F**Acturum me arbitror operae pretium, si antequam ad orationem accedas, paucis ostendero, unde sit, & quo potissimum spectet nostrum hoc Artium, ac Scientiarum Institutum. Haec igitur habeto. Comes Ludovicus Ferdinandus ex antiquissima Marsilliorum familia ut Mathematicis, Physicisque facultatibus mature institueretur, dedit se ab ineunte aetate Geminiano Montanario celeberrimo viro in disciplinam. Ea vero praecipue arcidissime profecutus, ac diligentissime complexus est, quas muniendi artem, ac praecepta tradunt. Cum itaque adolescens adhuc parentes repentina morte sublato amisisset, immaniſſimum inter Turcas, Germanosque bellum jamdiu gliscens anno demum 1682. erupit. Ex quo latissimum ratus sibi aperiri gloriae campum, Jaurini in arce firmissima, ac veluti Austriae propugnaculo prima stipendia fecit; inde orsus bellicae laudis curriculum, unde gregarius quilibet. Sed quam cito se ejus virtus explicuit, & in lucem emerſit! Anno enim 1683 cum Turcae ad Viennam oppugnandam omnia rerum, armorumque genera pararent, Jaurinum Princeps

*Hermannus de Baden Praefes in rebus bellicis Caesaris consiliarius Ventitabat : itaque Juvenem aliquando pro aedium suarum vestibulo excubias agentem allocutus, mirari primo egregiam indolem ; subinde vero praestantissimam ingenii vim, cum in omnibus Matheseos partibus, tum in ea maxime, quae muniendi rationes continet, collaudare ; demum non ejus solum opera in arce illa novis rebus firmanda uti, verum etiam cum eo de Arrabonis fluvii praesidiis, ac munimentis consilia omnia communicare. Imo tantae provinciae sustinendae apertissimum prae ceteris Ludovicum judicans, & perditum cohorti praefecit ; & eam illi detulit potestatem, qua late omnia, quacunque annis excurrat, suo arbitratu moderaretur. Tum vero egregius Juvenis, cum sibi, studiisque suis in patria initis omnia bene vertere intelligeret, assidue cogitabat (quemadmodum ipse mihi saepe de se) quam grati animi significatione Patriis Musis litaret. Nec vero diu anceps haesit ; sed cito invenit, quae splendidissimo Equitum ordini, ceterisque civibus honesto loco natis ornamento essent, & utilitati. Etenim jam tum ingentem librorum numerum ad bellicas artes spectantium colligere statuit, variasque praeterea oppugnandarum, ac propugnandarum Urbium iconas, quarum rerum ope ad immortalem gloriam studiosi adolescentes, magno praesertim exemplo*



pro proposito, aliquando contenderent. Neque tamen, cum aliorum laboribus consuleret, ipse interea vacabat; sed nihil armorum strepitu a pristinis studiis advocatus magnum illud de Danubio Syntagma composuit eo potissimum tempore, quo prope ejus fluminis ripas castra habebat. Quod quidem & numeris omnibus absolutum est, & ipsa auctoris manu exaratum hac in Academia habemus; publicique juris, Superis bene jurvantibus, olim faciemus. In hoc lucubrando Chimicis, & Astronomicis indiguit adiumentis, quorum gratia maximam instrumentorum, rerumque naturalium copiam coegit, bellicisque jam antea comparatis addidit. Ex quo factum est, ut institutum quidem susceptum latius amplificaret, rerumque naturalium scientiam cum arte militari coniungeret. Verum ad majora Augustissimi Imperatoris clementia, virorumque in Aula Caesarea principum benevolentia vocabatur; qui ad crudelissimum bellum tandem aliquando sedandum de utriusque Imperii finibus cum Turcis agere jussus est. Quo quidem in negotio aleae plenissimo, ut Principis iudicio, aliorumque expectationi fide, ac diligentia responderet, elegantissima volumina ad Geographiam, ad Historiam, ad pacis ineundae artes magnis impensis comparavit, eo insuper consilio, ut utilia, & decora Patriae suae aliquando forent. Ex his ergo, plurimisque praeterea MSS.

Ara-

*Arabicis, Persicis, Graecis, Turcicis, tum ex capearum arborum spoliis, tum aliunde summo labore conquisitis, florentissimae instituendae Bibliothecae consilium cepit; quam mox non libris modo, sed ingentis fossilium, ac metallicarum rerum copia ex tota Hungaria, aliisque Germaniae regionibus collecta ornavit, & auxit. Sed quotusquisque ita sibi fortunam devinxit, ut ab humanis casibus totam vitam securus tranquillissime degat; aut quando desuit invidia, virtuti hostis infestissima, magnos viros exagitare? Passus eadem Ludovicus est, quae ceteri mortales. Primum enim morbis tentatus litterarum studia remittere coactus est; quo tempore, ne totus otia retur, coepit animi dispendia corporis labore pensare, horologiis consuecendis, ligneis, atque aeneis instrumentis ad Mathematicos usus parandis, illis denique omnibus construendis officinis, quae postea hoc in loco collocatae sunt. Deinde vero minime liberalis quorundam aemulatio multis peti- tum adversae fortunae telis eo adegit, ut Germa- nia excederet, seque in Gallias censeret, ubi sum- mus olim pacis Arbiter, ac belli Dux angustissimis se privatae vitae terminis continuit. Sed tamen omne solum ferti viro patria est; suaeque ille virtu- te satis beatus sortis iniurias elusit. Agathopoli enim in Galliis cum degeret, & rerum maritimarum ge- nus omne conquisivit, & volumen illud absolvit,*  
cui

cui titulus -- Il Saggio Fisico della Storia naturale del Mare --; quod quidem MSS. in Regia Lutetiae Academia, tamquam litterarum supellex exquisitissima, custoditur. Neque vero ut fortuna non satis ampla, ita & virtutis fama utebatur. Nam cum Romae bellum timeretur, eo a Sanctissimo Patre CLEMENTE XI. accitus toti ecclesiastico exercitui praefectus est. Ubi cum priscarum monumenta rerum diligentissime persequeretur, mirum est, quam multa beneficentissimi Pontificis favore collegerit, quot signa, signorumque fragmenta, quot lapides, quam varia, eaque optima antiquitatis rudera, quibus ad florentissimam Picturae, Sculpturae, & Architecturae Academiam institendam olim uti posset. Pace vero confirmata, cum illud denique sibi praestandum putaret, quod jam tum fuerat ab adolescentia meditatus, placuit totum hoc, quidquid est, Artium; ac Scientiarum Institutum appellare, Senatuique Bononiensi addicere. Proinde sub auspiciis D. N. CLEMENTIS Papae XI., coram Eminentissimo Cardinale Legato LAURENTIO CASONO viro hujus aetatis litteratissimo, & in litteratos liberalissimo prid. Kal. Febr. an. 1712 praeclarissimum hoc Institutum Senatorio Ordini donavit; addita prius altera illa domestica Academia ad rerum physicarum pericula facienda. Evicic etiam, ut Excelsus Senatus pingendi,  
fin-

*singendique Arti consuleret novo quasi ludo instituto, qui Principi nostro probatus; ad aeternam Sapientissimi Pontificis memoriam CLEMENTINUS dictus est; & Eminentissimi Legati aere subsellis elegantissimis ornatus. Porro seni ex universo Senatu Patres amplissimi electi sunt, quorum tutelae, seni item ex publico Gymnasio Professores, quorum fidei res tota concrederetur. Ut vero loci majestas muneris amplitudini responderet, magnificas Excelsus Senatus Celestiorum aedes primum emit; deinde ingentem Speculam ad Astronomiae usum excitavit; tum varia loca pro rerum varietate distribuit; postremo suas singulis Professoribus sedes assignavit. In quo quidem tam splendide fecit, ac magnifice, ut nulli totius Europae Academiae concedamus. Ceterum si quis velit sigillatim omnia cognoscere, quae referre hujus neque temporis est, neque instituti, adeat publice editum Indicem locupletissimum. Tu vero interim humanissime Lector, fac Orationem hanc aequo animo excipias, quam amplissimorum Senatorum jussu habui quo primum die novum hoc Institutum Musis est inauguratum. Ac sicubi offensus videbor, satis habe, mihi animum ad naviter audendum in re tanti momenti non defuisse. Vale.*

ND MINA  
PATRUM CONSCRIPTORUM,  
QUOS  
EXCELSUS SENATUS

AD  
INSTITUTI SCIENTIARUM, ET ARTIUM  
CURAM ELEGIT.

Pompejus Herculani.

Franciscus Maria Signius.

Franciscus Maria Alberghatus Capacellus.

Vincemius Bargellinus.

Carolus Alphonsus Marscalcus.

Antonius Bovius.



PRO-

# PROFESSORUM

Nomina, & Officia.

Laelius Triumphettus *Praefes, & Naturae Historicus.*

Geminianus Rondellus *Bibliothecae Praefectus.*

Eustachius Manfredius *Astronomus.*

Hercules Corazzi *Mathematicus.*

Marcus Antonius Laurenti *Chimicus.*

Jacobus Bartholomaeus Beccarius *Physicus.*



Matthaeus Bazzanus *a Secretis.*



ORA-

## ORATIO



Icui forte vestrum videor hoc tempore praeter morem erectus, & alacer ad dicendum accedere, reputet ipse secum, quam turpe sit de magno litterarum bono civibus gratulantem suis non voce ipsa, gestu, oculis, fronte, vultu denique, toto rei propositae naturam, & rationem significare. Utinam vero tantum mihi esset virium, ut pro incredibili civis optimi liberalitate, pro vestra, Amplissimi Senatores, cura, ac diligentia, pro tua, Eminentissime Legate, beneficentia singulari, denique pro Patris Sanctissimi, ac vigilantissimi patrocinio digne possem, non solum voluntate dicendi, sed etiam copia, & gravitate demandatam mihi provinciam sustinere. Sed quoniam neque ego is sum, nec ullus fortasse reperiri, aut etiam excogitari potest Orator, qui sibi tantum tribuat; sinite, quaeso, me qualiacumque in medium asferre, ne unus videar, qui minime debueram, in tanta omnium ordinum laetitia per summam  
igna-

ignaviam conticuisse. Efficiam autem illud ostendent, tantam esse institutae Academiae dignitatem, utilitatem esse tantam, ut nec ad naturae momenta exploranda, nec ad artes praestantissimas numeris omnibus absolvendas (quae duo solent ad Urbium felicitatem conferre plurimum) quippiam fieri Bononiae poterit aut utilius, aut illustrius. Erit fortasse, qui videar frustra conari, & in re apertissima, operosius, quam oporteat sive laborare, sive etiam ineptire: Sed mea quidem eo potissimum spectat oratio, ut cum testata omnibus, ac notissima dixerō, intelligatis iis vos beneficia contulisse vestra, qui beneficiorum magnitudinem etsi exaequare, paria reddendo, nequeunt, satis tamen agnoscunt, fateentur, ac praedicant. Quamquam quid est per Superos immortales, quod ea praedicem, quae vos pro ingenti animi moderatione, ac morum modestia taceri malitis, satis superque beati conscientia meritorum? Nihil oneris declinandi causa dico, nihil ex veteri laudandi consuetudine in tempore confectum. Quis enim ignorat illum praesertim ex vobis, de quo non homines modo, sed parietes ipsi praeclarissimis naturae, artisque cimeliis ad immortalitatem ornati perpetuo locuturi videbantur, illum, inquam, cavisse



villè in primis, ne quo publico monumento  
 ejus virtutem, ac liberalitatem posteritati com-  
 mendaremus? Erit hæc igitur multarum re-  
 rum, atque magnarum commemoratio quæ-  
 dam, non laudario; & quod ita jubeatis, &  
 quod is dicat, qui ut maxime velit, non tamen  
 possit pro sua tenuitate ingenii dicenda exor-  
 nare. Hinc percommode vobiscum agitur;  
 percommode mecum, quod nec vos supra vi-  
 rium mearum infirmitatem quippiam jubeatis,  
 nec ego plura jussis præstare possim.

Varia litterarum fara a primis usque tempo-  
 ribus memoria reperenti videntur mihi Musæ  
 Athenis expulsæ, multis sæpe locis, tamquam  
 in diversorio, constitisse, Bononiæ vero se-  
 dem collocasse velut in domicilio sempiternam.  
 Nulla enim ceterarum civitas est, aut in Italia,  
 aut uspiam gentium, quæ semel exceptas per-  
 petuo retinuerit; ipsaque illa terrarum princeps  
 Roma sæpe coacta est squalore, situque obsi-  
 ta pati dominos litteris, ac bonis artibus infe-  
 stissimos. Jure proinde Theodosius alter, cum  
 litterarum studia calamitosissimis temporibus  
 toto pæne orbe exularent, Urbem hanc no-  
 stram *studiorum Parentem* appellavit: Magnuf-  
 que ille Carolus humaniorum artium, ac disci-  
 plinarum reparator, ex hoc quasi fonte omnia

liberalium facultatum genera alio derivavit; Papiæque, ac Lutetiae Academias instituturus civium nostrorum opera usus est. Haec dum reputo, statim venit in mentem cogitare, quid potissimum in causa fuerit, cur Physicae, Mathematicae, Medicaeque facultates tamdiu hic, tantoque animi ardore excoltae, intra tamen, veteres Aristotelis, Archimedis, Hippocratis, aliorumque sane paucorum fines diu iacuerint; nec umquam coeperint nisi nostra, patrumque nostrorum aetate libere propagari. Id, nisi fallor, non tam est in nimiam majorum nostrorum, seu credulitatem, seu metum coniiciendum, qui se totos antiquis sapientibus, quasi numinibus quibusdam, religiose addixerant, quam ad eorum instrumentorum inopiam referendum, quibus naturae arcana non ex cariosis Graecorum monumentis, sed ex natura ipsa, erui nunc demum coepta sunt. Enim vero, si ita est, praecclare vobiscum agitur, honestissimi cives, quibus adiumenta omnia hoc in loco parata sunt ad singulas Philosophiae partes non ingenio solum, & contemplatione, sed manibus quasi ipsis pertractandas, augendas, illustrandas. Quid enim machina illa pulcherrima, & utilissima, quam graece placuit appellare Pneumaticam, cujus auxilio vel ipse aer nul-

nullis ceteroquin coercitus vinculis , ipse , inquam , aer tenuis quantumvis , & elabens , cie-  
tur , constringitur , emittitur , revocatur , & quod  
incredibile videri possit , penditur , ac mensura-  
tur ? Nonne haec bonos illos priscæ æratis  
Philosophos satis excusant , qui de aeris natura ,  
tamquam arioli divinantes , inæpta multa exco-  
gitarunt , & credulae nimium posteritati bona  
fide imposuerunt ? Quid Thermometra ad va-  
rios frigoris , calorisque gradus dimetiendos ,  
tum in aere ipso , tum in liquoribus ceteris ?  
Quid Microscopia nec una , nec vulgaria ad  
partes vel minimas non solidarum modo re-  
rum , sed fluidarum etiam scrutandas , ac pervi-  
dendas ? Quid Hydrostaticæ machinae , quid  
lances , ac stateræ , quid denique instrumenta  
reliqua insigni artificio condita ad omnes na-  
turae vires excutiendas , pensandas , ac certissi-  
mis experimentis quasi aliquo lapide Lydio  
probandas ? Annon haec omnia admonent de  
sua unumquemque nostrum felicitate ; jubent-  
que non ratione solum , sed ipsismet oculis ele-  
mentorum causas , & effectus , vires , ac proprie-  
tates investigare , nequid sibi venditari , nequid  
temere obrudi patiatur ? Quid de Lignaria ,  
quid de Ferraria , quid praesertim de Chimica  
officina dicam clibanis , fornaculis , & omnige-

na fabrilium rerum copia instructa ? Quis non videt hinc demum infinitam prope fieri posse , & Physicae , & Medicae facultati accessionem ? Etsi enim eorum insania minime probanda est , qui auro plus aequo inhiantes totos se Chimicae arti dediderunt , remque familiarem universam spe ducti misera decoxerunt : tamen si cum sanioribus agatur , ex hoc seu studio , seu artificio , seu labore abditissima naturalium rerum arcana eruuntur , & remedia ad desperatos , ac insanabiles morbos abigendos praesentissima . Abutantur , ut lubet , stolidissima quaedam capita pulcherrima invento ; utque nimio plus habeant vilem redigantur ad assem , suamet ipsorum miseria poenas daruri demeritiae tantae : attamen nihil est cur non magnopere commendemus machinas illas , quibus recte uti qui velit , & ingeniis hominum , & saluti plurimum consular . Sed quod conatus totius antiquitatis universos , & ipsam paene hominum fidem superat , Astronomica Specula est , ingenti sumptu , artificio singulari , incredibili praestantissimorum hominum cura paene constructa , & rebus omnibus apparatissima , quibus facile possit caelum ipsum pervadi , ejusque partes omnes diligentissime obiri . Supervacaneum est de nobilissimo semicirculo , de telesco-

scopiis , de horologiis , de ceteris innumeris mathematicis instrumentis , eorumque usu verba facere apud eos , qui satis norunt , tantum hic esse hujus generis supellectilem , ut vix possit longissima oratione comprehendere , tantumque inde commodi , & utilitatis redundare , ut nullis prope terminis definiatur , sed late excurrentes Matheseos partes omnes , Physicamque , & Medicam facultatem attingat . Da enim mihi Philosophum , da Medicum , qui idem non sit Mathematicus , videbere profecto nugari ea separando , quae arctissimo colligata vinculo mutuis crescunt auxiliis , sibi invicem opem ferunt . Sed utinam , inquis , quemadmodum immensos caeli tractus per haec instrumenta intueri licet , ita terrae , marisque regiones , maximo intervallo disjunctas , uno ex loco lustrare possemus ; & ea videre , quibus maxima pars constat Philosophiae , nec videri tamen possunt sine ingenti divitiarum copia , magnisque itinerum laboribus , ac periculis . Cum enim non omnis ferat omnia tellus ; sitque portentoso simile hac tempestate Alexandros invenire , quemadmodum invenisse fertur Aristoteles , quorum impensis , & auctoritate multa undique exportentur in unum locum ad Philosophica studia , necesse est passim jacere in-

genia ceteroquin felicissima, aut illis impallesce-  
 re voluminibus, quae tricus plena majorum  
 nostrorum ingenia tamdiu exercuerunt: O te  
 beatum, quisquis es, si nihil praeterea expetis!  
 Nihil te inopia, nihil itinerum difficultates sol-  
 licitum habeant; sed perge sapere domi tuae,  
 ubi nec opinato Superum beneficio ea collecta  
 sunt omnia, communique exposita usui, quae  
 ad orbis totius conservationem, pulchritudi-  
 nem, & ornatum sub Luna nascuntur: Jam  
 non nobis barbarorum regiones obeundae,  
 non lustrandi montes, non transmittenda ma-  
 ria, ut Pythagoras, ut Plato, ut Democritus,  
 ut ceteri sapientiae studiosi paene innumeri, qui  
 seu varium naturae ingenium in rebus variis  
 efficiendis ut noscerent, seu viros doctissimos  
 de his disputantes ut audirent, difficillimas pe-  
 regrinationes susceperunt. In aedibus his ma-  
 gnificentissimis, tamquam in naturae cimeliar-  
 chio, salium fossilium, ac vitriolorum genera  
 omnia colore inter se, ac figura discrepantium  
 collocata sunt: hic praestantissimae facultatis  
 magnetes plurimi; hic aluminum, & crystal-  
 lorum series tam diligens, & copiosa, ut quae-  
 cumque ad eorum orum, & incrementum per-  
 tinent, oculis subiiciantur univcrsa. Numquid  
 metallis delectaris? Ecce tibi aëris, ferri, plum-  
 bi,

bi, cinnabaris, mercuriique matrices, quae multiplici terrae, lapidumque varietate compactae metalla ipsa coloribus, ac figuris pro vario fe-  
turae gradu distincta complectuntur. En illa, ipsa, quae homines tantopere torquent, metal-  
lorum praestantissima argentum, atque aurum; en illae quasi alvi, ubi gignuntur & crescunt. Sed quaenam ullius generis, aut regionis fosi-  
lia sunt, quinam in abditissimis terrae partibus concreti succi, quae vel lapidea corpora, vel in lapidis duritiem miro naturae artificio con-  
versa, quorum hic non copia tanta sit, quan-  
tam olim fuisse numquam uno in loco, aut es-  
se, aut fortasse in posterum esse posse, sine tre-  
pidatione affirmo? An tu potius silvis, & pra-  
tis amicus quae ibi vegetant studiose perqui-  
ris, & ad Philosophicam trutinam revocas? Ni-  
hil profecto est, quod ex variis terrarum parti-  
bus herbarum, atque arborum genera peregri-  
natum, semina, flores, fructus magnis labori-  
bus, atque impensis exportanda cures, cum in  
patria possis uno, eodemque loco, ac tempore  
omnes naturae opes hac in parte meditari, ejus-  
que praeclara opera longe, lateque dispersa uno  
tibi intuitu repraesentare. At enim non ita est  
rerum pulcherrimarum secunda tellus, quin  
plurima in aquae, aerisque regionibus progri-

gnantur studio, ac meditatione fortasse digniora. An non hic est harum quoque rerum studiosis abunde consultum? Quid testacea, & crustacea tam multa numero, tam varia figuris, tam coloribus pulcra? Quid spongiae, & alcionia tam varie conformata? Quid uniones, eorumque genera multiformia? Quid denique copiosissima illa corallarum, & coralliorum series, eorumque matrices tum communes, quae marinis rupibus plerumque inhaerent, tum quae fortuito aquarum concursu cochleis impactae rariores habentur? Nonne haec, & praeterea multa, quae non est hujus oris commemorare, maria nobis omnia orientis praefertim, atque Americae ob oculos ponunt, magnamque suppeditant non delectationis modo legetem honestissimae, sed gravissimarum cogitationum materiam? Volucres perro quam minime nobis, studiisque nostris res suas inviderunt? Inspicite Auditores, multiplicem illam ovorum seriem, nidorum, ac pennarum immensam paene copiam, & varietatem; tum vero pro summa vestra sapientia judicate, utrum restet aliquid volucrum naturam curiose scrutantibus hoc in loco desiderandum. Quaecumque ita sint, desinant aliquando queruli homines, vel rerum opificem accusare, quod praeclarissima

ma



ma quaeque ad philosophandum late disperse-  
 rit, vel Principes viros avaritiæ postulare,  
 quod non ea ex omnibus terrae plagis in pu-  
 blicas Academias importanda curent, unde  
 possit nobilissimarum cognitionum seges exi-  
 stere. Illud potius cordatus quilibet iure do-  
 leat, non deesse homines cetera minime ma-  
 los, qui novum hoc philosophandi institutum  
 perosi suo illi Peripato tamquam scopulo in-  
 haereant, nihilque probent, nisi sit ab Aristo-  
 tele velut ab oraculo pronunciatum. Qua in re  
 quid sentiam, Auditores, sinite me vobis libere  
 exponere; ut antiquitatis retinendae studium,  
 quo uno propositae hoc in loco exercitationi  
 invidiam constare nonnulli conantur, non qui-  
 dem per me tollatur (quis enim aut possit, aut  
 vellit?) sed aequos tamen intra fines concluda-  
 tur. Pluribus siquidem vetustatis religio quae-  
 dam inest a maioribus accepta, qua sibi, nisi  
 fallor, temere suadent intelligendi vim, & fa-  
 cultatem a Superis ad nos profectam paullatim  
 deteri, eoque fieri minorem, quo magis a pris-  
 co illo mundi exordio recedit. Hinc magno,  
 ut appellant, Philosophorum Principi emanci-  
 pati, satis, superque sapere sibi videntur, si quae  
 ab eo sunt inventa, litterisque consignata fide-  
 liter didicerint, & cum opus fuerit, non qui-  
 dem

dem Philosophi, sed Philosophiae quasi historici recitaverint. Rati vimirum humani ingenii vires certis circumscriptas finibus, ab ejus aetate miserandum in modum decrevisse, vel irridere tamquam fatuos, qui meliora conari velint, vel tamquam litterariae Reipublicae noxios longissima amandant. Ego certe Aristotelem ingenii hominem plane divini tanti facio, quanti praeterea neminem: nec ea ferenda puto capirula ineptissima, quae rerum novarum cupidiora, quam oporteat, omnem antiquitatem, iniuriis, atque inanum verborum strepitu lacecessunt, in Aristotelem vero praesertim, tamquam ceterorum perditissimum, plumbeos pugiones insane distringunt. Ceterum si sit modus in rebus, nec *vitia homines in contraria currant*, ut inquit Horatius, hoc est, si tantum Philosopho illi tribuamus, quantum ejus aetatis conditio patiebatur; statuamusque studia omnia scientiarum, & artium fieri posse novis inventis, novaque diligentia perfectiora, tum demum Philosophiae, ac litteris omnibus praeclare consulemus. Ipse enim ille Aristoteles, quem sibi ducem, quasque Deum tam multi elegerunt, numquid tantopere Philosophiae quasi pomerium protulisset, nisi veteres, ubi oportuit, libere aggressus eorum sophismata refel-

sellisset; idque sibi persuasisset unum, quod  
 meditatione, & multarum rerum experientia  
 didicerat? Quantas enim ille rutbas excitat in  
 Melissum, & Parmenidem; quam saepe in  
 Anaximenem surgit, & Anaxagoram; quanto  
 impetu Democritum adoritur, & Epicurum;  
 quam ipsi acriter arma infert Platoni suo, non  
 prius ab acie discedens, quam illum, copiasque  
 ejus ad internecionem profligaverit? Quae si  
 reputarent homines isti, profecto vel nobilissi-  
 mum Peripateticorum nomen abiicerent, vel  
 Peripati leges, & instituta servantes, ejus vesti-  
 giis insisterent, qui nemini cum parceret, inge-  
 nue profitebatur, sibi pluris esse veritatem,  
 quam magistrum. Sed nescio quo pacto prae-  
 judicata quaedam opinio inhaeret eorum ani-  
 mis; ut vetustatis religione consecrata putent  
 Aristotelica omnia, cumque inexpiabili teneri  
 crimine, ac devotum esse arbitrentur, qui vel  
 minima reprehendendo violare audeat. Non  
 tamen negaverint, ut opinor, Peripateticos  
 fuisse Eudemum, Dicaearchum, Aristoxenum,  
 Stratonem, Eudorum, Athenodorum, Xenar-  
 chum, Nicostratum, qui omnes, & praeterea  
 non pauci libertate usi philosophandi in Ari-  
 stotelem ipsum disputare non dubitarunt. Quid  
 vero Teophrastus Peripateticae scholae in pri-  
 mis

mis propugnator, atque heres? Nonne ille, nihil sibi temere credendum cum statuisset, Magistri sui scripta ad incudem revocavit, detraxit quaedam, quaedam addidit, nonnulla conformavit, omnia denique sine discrimine excussit, atque in dubitationem adduxit? Intelligebat nimirum sapientissimus vir, cum esse maxime Peripateticum, qui nemini auctoratus recederet quam longissime disputando ab inepta illa Pythagoreorum responsione *ipse dixit*. Utinam vero memorem libertatis animum diu homines retinuissent, nec ad illa ventum esset pavida ingenia, quae saecula deinde multa inancipiorum, instar uni tamquam tyranno inservire; magnumque credidere piaculum vel a Platone, vel ab Aristotele nova excogitando discedere. Jacuere proinde diu, multumque Philosophicae disciplinae, jacuere Medicae, jacuere Mathematicae, donec patrum nostrorum memoria excitata humani ingenii vis longo antea saeculorum intervallo sopita coepit jugum excutere, & ad veram sapientiam contendere. Tum vero repente tanta undique succrevit scientiarum, atque artium seges, ut brevissimo annorum curriculo plus ceperit res litteraria incrementi, quam toto antea tempore, ex quo tractari litterae coepae sunt. Ut enim

externa omittam, quae tanta esse potest eloquentiae vis, quodnam tantum ingenii flumen, ut ea possit complecti animo, ac pro dignitate laudare, quae a celeberrimo Marcello Malpighio, quae a Bonaventura Cavallerio, a Petro Mengolo, a Geminiano Montanario, a Dominico Casino, a Guglielmino, quae denique a Joanne Hieronymo Sbaralea, ad Anatomiam, ad Mathesim, ad Physicam propagandas inventa sunt; posterisque liberalissime tradita? Illud verissimè dicam, ut mihi quidem videtur, viros illos tanto fuisse ingenii acumine, studio, labore, ac diligentia tanta, ut Baccone Verulamienſi, Gallilaeo, Gassendo, Cartesio, ceterisque sublatis, qui aetate, non sapientia praecesserunt, ipsi per se potuerint rerum Philosophicarum studia primi instaurare, totique posteritati facem praeferre. Quod si eo pervenerunt laudis, & gloriae suopte naturae lumine, ac privatis laboribus; essent enimvero ad miraculum usque sapientes, si nobiscum his temporibus viverent, quibus publica Senatus cura, privataque Civis beneficentissimi liberalitate provisum est, nequid in hac palestra defudantibus deesset. Est sane cur nobis invidiant, Auditores, quibus in hac amantissima Patria Studiorum Matre aut natis, aut eruditis, illud  
prae-

praeterea utilitatis accedit, quod ex copiosissima hac mirabilium rerum, & instrumentorum suppellectili facile existit. Quamquam si beati Majorum manes haec nostra respiciunt, & immortali pace compositi sensum habent posteritatis, videre mihi videor, non unos illos rerum naturalium Professores, sed ingentem quandam artificum praestantissimorum cohortem, singulare nobis felicitatis genus, non invidentem quidem, sed potius gratulantem. Quae enim artes ad civitatis gloriam, & splendorem maxime juvant, Pictura, Sculptura, & Architectura, ira nunc demum laute hoc in loco collocatae sunt, rebusque omnibus instructae, ut iis naturae explorandae scientiis, de quibus haecenus egimus, nullo modo concedant. In quo singularis illa tua Cardinalis Eminentissime, ac Litteratissime LAURENTI CASONE, beneficiendi voluntas spectata est, qui non modo conatus nostros auctoritate probasti, rexisti consilio, auspicio fovisti, quod ipsum est beneficii genus non vulgare, sed etiam aere tuo locum ubi pictores conveniunt parasti, ac splendidissime ornasti. Praeclare tu quidem laudatissima SANCTISSIMI PATRIS studia refers, qui artibus praesertim illis operam tuam navas, quibus cum percipis plurimum delectari:

quae-

quaeque CLEMENTINAE cum appellentur,  
 vel ipso cognomento augustissimo diligentiam  
 tuam, eam, ac laborem requirunt. Perge  
 his artibus, Princeps beneficentissime, hoc in-  
 genio, hac virtute de nobis mereri optime.  
 Nulla de te civitatis pars, nullus ordo tacebit  
 umquam, quamdiu tuae vestigia aequitatis, ac  
 quae clementiae extabunt: sed tamen honestis-  
 simum hoc Artificum collegium altius infixum  
 retinebit beneficia tua, nec umquam de suis  
 commodis cogitabit, quin de egregia tua libe-  
 ralitate magnopere praedicet. Fuit hoc, Au-  
 ditores, peculiare nostrae civitati, ut de artium  
 ceterarum gloria cum multis certaret, pingen-  
 di vero laudem totam fere sibi sine contro-  
 versia vindicaret; tantumque nationes reliquae  
 in ea valerent, quanto hinc & praecepta plura,  
 & exempla ad imitandum arripuissent. Neque  
 tamen ante id tempus ulla est in hoc studium  
 publica collata cura; sed ipsa caeli temperie,  
 suaeque indole ducti Franciae, Tebaldi, Carac-  
 cii, Guidones, Dominichini, & sexcenti cum  
 homines, tum etiam feminae immortalem sibi  
 gloriam apud gentes omnes pepererunt. Ex  
 quo facile intelligitis, nihil exiguum, aut vul-  
 gare a nostris hominibus in posterum expe-  
 ctandum, quibus jam publice consultum est,

ne

ne loco ornatissimo ad quietem , & splendorem , ne Magistris optimis ad disciplinam , quales sunt celeberrimi Viri Eques Carolus Cignani , Marcus Antonius Franceschini , Joseph Solis , Donatus Creti , Joseph Cresti , & alii , quos totius Italiae , & ingenio , & arte praestantissimos audeo dicere ; nec denique signorum , ac tabularum copia nobilissimarum ad exemplum indigerent . Quod si veteres Thebani , quemadmodum lege sanxerant nequis negligentius pingeret , multamque peccanti irrogaverant , ita pingendi studiosis ex aerario providissent , haberet sane Graecia in hac quoque , ut in ceteris facultatibus , quos nobis , posterisque nostris multos praestantes viros opponeret . Aluntur enim artes non gloria solum , sed commodis ; fitque saepissime , ut magna ingenia earum rerum inopia , quae ad veram laudem contendentibus necessariae sunt , miserrime torpeant . Calamitas haec tanto , si bene reputes , ceteris major , quanto communior , tandem aliquando , Deo , hominibusque iuvantibus , ex hac civitate sublata est ; jamque ad magnos nobilissima in arte progressus faciendos satis est ingenium afferre non desperatum . Hinc ego mirabile nescio quid , patriaeque gloriosum jam nunc in posterum tempus coniicio ,

in



in cujus tractatione versarer diutius, ac diligentius, Auditores, nisi me dicendi modus revocaret, juberetque ad rem bellicam properare. Hic vero quod Poetae facere consueverunt, ut in medio carmine grande aliquid, ac singulare dicturi, non secus ac initio, Apollinis, Musarumque opem magno sibi verborum apparatu petant, id ego libentissime usurpitem de principe hujus Academiae parte, hoc est de rei militaris scientia verba facturus. Scilicet hoc restabat unum ad hujus urbis felicitatem, ut litterarum, atque armorum studia, veteri alienatione disjuncta, coirent aliquando inter se, eodemque collocata loco mutua sibi officia praestarent. Jam non litterae amplius silebunt inter arma, nec arma jacebunt obstrepentibus litteris: sed quemadmodum tranquillissima pace, atque otio fruenter res bellicas tractare juvat, easque ad Musarum ludos traducere; ita si qua forte ingruat belli necessitas, quod avertant boni Superi, & sedibus se suis Musae sine metu continebunt, & in castra ipsa, cum libuerit, tutissimae ab injuria migrabunt. Id Ludovico Generali Marsillio in primis acceptum referent cives nostri, nationesque universae, in quas studiorum nostrorum utilitas promanabit. Ille enim bellorum, ac litterarum omnium, vel

ab ipsa adolescentia peritissimus, illud unice tota  
vita spectare visus est, ut immensam quandam  
colligeret, ut profecto collegit; earum rerum  
copiam, quae ad militaria per otium tractandā  
essent opportunissimae. Vix credent posterī  
tantam hanc bellicam supellectilem ab uno fuisse  
se paratam: parari vero potuisse tam celeriter,  
iisque tempestatibus, eaque in regione, ubi bel-  
la acerbissima cum grassarentur, multarum  
ipse copiarum dux potissimam provinciae par-  
tem sustinebat, hoc certe portentū simile judi-  
cabunt. In confesso est, nihil esse in bello cala-  
mitosius rudi imperatore; nec plus ad Rempu-  
blicam bene gerendam auctoritatem, indu-  
striam, fidem, virtutem conferre, quam locorū,  
urbium, munitionum, armorum, rerum-  
que omnium militarium partem domi sciens-  
tiam. Certe multum interest ad bellicam lau-  
dem assuevisse a teneris stipendia facere; ho-  
stem ferire, praesidia agitare, diruere aliena,  
munire sua, insidias struere, ac declinare: sed  
tamen si rerum, multarum experientiae scientia  
accedat domo allata, tum eximium illud, ac  
singulare solet existere, quod in Caesare, ac  
Pompejo magnopere veteres laudavere. Ita-  
que Ludovicus nullum Patriae illustrius bene-  
volentiae, quasiq̃ pietatis monumentum re-  
lin-

linquere posse putabat , quam si nullis impensis, nullis laboribus , nullis periculis parceret, quibus praeclarissima undique bellicae artis ad discendae adiumenta compararet, nobisque liberalissime largiretur . Nihil jam cuiquam deesse potest, sive ad veterem illam, ac simplicissimam pugnandi rationem, sive ad novam hanc infinitis implicatam rebus cognoscendam ; non libri ad Historiam, non tabulae ad Geographiam, non instrumenta ad Geometriam, totiusque Architecturae scientiam , non denique armorum genus ullum , cuius sit aliquis in lacessendo , ac propellendo vel remotissimis nationibus usus . Marfillio auctore , Marfillio duce iunoxia tractabimus arma , eaque agemus disputando , quae olim adeo videbantur a scholis , ac disputationibus abesse, ut tamquam delirus ab Annibale Phormio irrisus sit , quod se coram , & Antiocho de re bellica disserere non dubitasset . Sed ego ita loquor , quasi vero de re militari valde meritis generosissimus Civis nihil praeterea in commune bonum contulerit . Quid Bibliotheca non tam voluminum copia , quantum pretio ditissima ; quid Typographicum ; quid Anatomica , quid Chimica , quid Mathematica instrumenta ; quid reliqua illa paene innumera insignis monumenta liberalitatis ; quae si omnia

nia velim commemorare, non vox modo, sed dies me deficiat? Verum quoniam necesse est reticere plura, eaque ipsa, quae dicuntur, parce attingere, fruatur beneficentissimus Civis virtute sua, quae ipsa sibi merces amplissima, ac suopre lumine satis splendida nullo indiget verborum fucō, nullis eloquentiae pigmentis. Fruatur honestissimo civium omnium testimonio, qui vultu, atque oculis satis ostendunt, quanti faciant beneficia sua, quo animo excipiant, qua sint totius posteritatis memoria compensaturi. Neque enim, ut Lodovicus vehementissime nitatur, studium hoc impedire poterit: nolunt se eo compelli moderatione sua, ut ingrati videantur: quaeque ille publice poni laudis monumenta vetat, ea quilibet alte reposita servabit animo; tradet subinde natis, quae excipiant nascituri, & in omnem aetatem quasi per manus propagabit. Jam vero de vobis, SENATORES AMPLISSIMI, deque tanta illa loci hujus ornatissimi parandi cura, nulla umquam aetas, nulla civium nostrorum lingua conticescet. Non enim videbamini, immensi laboris opus aut suscipere posse tam cito, aut persequi tam diligenter, aut paene perficere tam celeriter. Certe nos cogitatione rei tantae saepe terri, ac paene fracti hastas, ut dicitur, abiici-

mus

mus; spemque omnem optatissimi boni, in vestri animi magnitudine, vestraque sapientia unice collocavimus. Aedes erant amplissimae construendae; construxistis: artifices praestantissimi adducendi; adduxistis: custodes addendi vigilantissimi, addidistis: res plurimae sapienter distribuendae, leges dicendae; nihil est omnium a vobis omissum. Omissum autem? Quid est, PATRES CONSCRIPTI, quod non accuratissime obieritis consultando, jubendo, urgendo, ut quam opportunissime simul nobis, simul gloriae vestrae in omnes deinceps aetates consuleretis? Fuit haec quondam Senatus cura; moenia reficere, templa condere, turribus pulcherrimis ornare urbem: at vero ea comparare, quibus civium animi immortalis sapientiae lumine illustrarentur, hoc tanti erat, ut vobis unis P. C. reservari oporteret. Sed me hercule, Auditores, visa sunt omnia hoc tempore in litterarum bonum convenire, & Civis splendidissimi liberalitas, & Senatus vigilantissimi diligentia, & Praefidis Eminentissimi studium, & quod caput est, PONTIFICIS LITTERATISSIMI voluntas. Ferunt Platonem Diis agere quotidie gratias consuevisse quod Graecus natus esset: verum id fieri a nobis multo est aequissimum, & quod Bononiae, & quod hac aetate nati

-nati sumus, quae tam multis civitatis huius nostrae felicitatem, non sint magno SANCTISSIMAE VIRGINIS ANNUNTIAE nostrae Patronae, ac DIVAE CATHARINAE DE VIDUIS auxilio, conferere. Agite ergo Cives optimi; nolite per vestram fidem beneficiis tantis segniter uti. Est quidem ratio omnis artium, ac disciplinarum ardua, salebrosa, paene ultra humanae vitae terminos diffusa: magnum quid est litterati nomen, splendidum, augustum, vixque ab uno, aut altero singulis aetatibus partum: sed tamen reputate tot, tantisque adiumentis, ac praesidiis difficultates universas facili negotio superari. Vos etiam contendite naviter, eruditissimi Viri in huius Academiae album relati; de quorum laude neque hic locus est, ut multa dicam, neque tamen plura dicere possum, quam Senatus, Populusque Bononiensis requirit. Intelligitis, opinor, quantum sit vobis oneris impositum, qui primi iussi estis novam rem pertentare, ceterisque ductu vestro subituris viam munire, faciemque praeferre. Ego equidem, cui nescio quo pacto contigit in partem venire honoris tanti, quantum in me erit, enixe conabor praecedentes vos, necque ostendentes proxime sequi: ac sicubi offendam, rogo vos, obtestorque, ut pro communi Patriae bono fidem vestram,

( XXXIX )

stram , atque opem implorantem humaniter sublevetis . Sic enim fiet , ut omnibus , qui de nostra institutione solliciti sunt , PATRIBUS CONSCRIPTIS , LEGATO EMINENTISSIMO , SANCTISSIMO PATRI , toti denique Italiae in magnam spem erectae satisfaciamus . Audiat haec BEATISSIMUS PATER , nostrique amantissimus , gaudeatque beneficia sua apud nos collocata magno cum fenore virtutis prodesse multis . Cepit ille jam fidei nostrae specimen satis illustre ; capiat hoc tempore institutionis . Elegit ex civibus nostris quos in caelitum fastos referret ; intelligat ita nunc demum ad innocentissima studia totam componi Civitatem , ut plures ex ea possint illorum similes olim exire . Probet nostrum hunc discendi ardorem , pronamque in genus omne humanitatis voluntatem ; sibi que maxime persuadeat Sapientissimus Pontifex , non aliunde plane , quam ex ejus imitandi studio proficisci .

F I N I S .

ΝΙΜΦΟΝ ΖΑΗΚΟΝ

*Omni nostro studio , diligentiaque Antiquorum consuetudinem , in scribendo , imitabimur ; & Aetnae Manutii orthographiam potissimum sequemur .*

*Vidit D. Jo: Chrysostomus Piazza Cleric. Regularis  
S. Pauli, in Eccl. Metropolitana Bonon. Pœni-  
tentiarius pro Eminentissimo, & Reverendissi-  
mo Domino D. Jacobo Cardin. Boncompagno Ar-  
chiepiscopo, & Principe.*

*Imprimatur.*

*F. Th. Maria Caneti Provicarius Sancti Officii  
Bononie.*



**BONONIAE MDCCXIV.**

---

*Ex Typographia Constantini Pisarii. Superiorum permissu.*